



## Ketouvim (hagiographies) - Job

### Chapitre 33

|       |  |
|-------|--|
| 33,1  | ואולם--שמע-נא איוב מלי; וכל-דברי האזינה.                     |
| 33,2  | הנה-נא, פתחתי פי; דברה לשוני בחכי.                           |
| 33,3  | ישר-לבי אמרי; ודעת שפתי, ברור מללו.                          |
| 33,4  | רוח-אל עשתני; ונשמת שדי תחיני.                               |
| 33,5  | אם-תוכל השיבני; ערכה לפני, התיצבה.                           |
| 33,6  | הן-אני כפיך לאל; מחמר, קרצתי גם-אני.                         |
| 33,7  | הנה אמתי, לא תבעתך; ואכפי, עליך לא-יכבד.                     |
| 33,8  | אך, אמרת באזני; וקול מלין אשמע.                              |
| 33,9  | זן אני, בלי-פשע: חף אנכי; ולא עון לי.                        |
| 33,10 | הן תנאות, עלי ימצא; יחשבני לאיוב לו.                         |
| 33,11 | ישם בסד רגלי; ישמר, כל-ארחתי.                                |
| 33,12 | הן-זאת לא-צדקת אענך; כי-ירבה אלוה, מאנוש.                    |
| 33,13 | מדוע, אליו ריבות: כי כל-דבריו, לא יענה.                      |
| 33,14 | כי-באחת ידבר-אל; ובשמים, לא ישורנה.                          |
| 33,15 | בהלום, חזיון לילה--בגפול תרדמה, על-אנשים; בתנומות, עלי משכב. |
| 33,16 | אז יגלה, און אנשים; ובמסרם יחתם.                             |
| 33,17 | להסיר, אדם מעשה; וגוה מגבר יכסה.                             |
| 33,18 | יחשך נפשו, מגי-שחת; וחתו, מעבר בשלח.                         |
| 33,19 | והוכח במכאוב, על-משכבו; וריב (ורוב) עצמיו אתו.               |
| 33,20 | וזחמתו חיתו לחם; ונפשו, מאכל תאווה.                          |
| 33,21 | יכל בשרו מראי; ושפי (ושפיו) עצמתיו, לא ראו.                  |
| 33,22 | ותקרב לשחת נפשו; וחתו, לממתים.                               |
| 33,23 | אם-יש עליו, מלאך--מליץ, אסד מגי-אלף: להגיד לאדם ישרו.        |
| 33,24 | יחננו--ויאמר, פדעהו מרדת שחת; מצאתי כפר.                     |
| 33,25 | רטפש בשרו מנער; ישוב, לימי עלומיו.                           |
| 33,26 | יעתר אל-אלוה, ירצהו, ירא פניו, בתרועה; וישב לאנוש, צדקתו.    |
| 33,27 | ישר, על-אנשים, ויאמר, חסאתי וישר העויתי; ולא-שנה לי.         |
| 33,28 | פדה נפשי (נפשו), מעבר בשחת; וחיתי (וחיתו), באור תראה.        |
| 33,29 | הן-כל-אלה, יפעל-אל--פעמים שלוש עם-גבר.                       |
| 33,30 | להשיב נפשו, מגי-שחת--לאור, באור החיים.                       |
| 33,31 | הקשב איוב שמע-לי; החרש, ואנכי אדבר.                          |
| 33,32 | אם-יש-מלין השיבני; דבר, כי-תפצתי צדקך.                       |
| 33,33 | אם-אין, אתה שמע-לי; החרש, ואאלפך חכמה.                       |



### 1 Histoire pour Chabbath, Tome 1 (Binyamin Benhamou)

Les plus passionnantes histoires racontées par Binyamin Benhamou, enfin en livre !

Commandez : Tel. (Fr) : +33.1.80.91.62.91 - (Isr) : +972.77.466.03.32 - [www.torah-box.com/editions](http://www.torah-box.com/editions)